



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 02-04-569/23
Sarajevo, 06.04.2023. godine

13-04-2023

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničko pitanje, dostavlja se.-

V E Z A: Vaš akt broj: 01-04-8156-18/23 od 29.03.2023. godine

Poštovani,

Na Šestoj radnoj sjednici Skupštine Kantona Sarajevo, održanoj dana 29.03.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnica Admela Hodžić, postavila je sljedeće zastupničko pitanje:

„upućujem zastupničko pitanje premijeru Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbjeđena sredstva prema ekonomskom kodu 613900-Posebna naknada za podsticanje rehabilitacije i zapošljavanja osoba sa invaliditetom i tražim da se Skupštini Kantona Sarajevo dostavi odgovor, odnosno podnese izvještaj za proteklu godinu koliko je tih sredstava iskorišteno u odnosu na iznos predviđen Budžetom za 2022. godinu i detaljnu informaciju koliko je osoba sa invaliditetom koristilo ova sredstva za navedene svrhe“.

ODGOVOR:

Budžetom Kantona Sarajevo za 2022. godinu, Kantonalnoj upravi civilne zaštite Kantona Sarajevo, na ekonomskoj poziciji 613900 subanalitika UAK003 - Posebna naknada za posticanje rehabilitacije i zapošljavanja osoba sa invaliditetom, odobrena su sredstva u iznosu od 5.000 KM za obaveze koje su mogle nastupiti u skladu sa članom 18. stav (2) Zakona o profesionalnoj rehabilitaciji, osposobljavanju i upošljavanju osoba sa invaliditetom („Službene novine FBiH“, broj: 9/10). Naime, članom 18. stav (1) Zakona o profesionalnoj rehabilitaciji, osposobljavanju i upošljavanju osoba sa invaliditetom definisano je da prilikom zapošljavanja lica sa invaliditetom pod općim uvjetima subjekti iz člana 15. stav (2) ovog Zakona dužni su ta lica zapošljavati srazmjerno ukupnom broju zaposlenih u tom subjektu i to: do 31. decembra 2009. najmanje jedno lice sa invaliditetom na svakih 39 zaposlenih, do 31. decembra 2010. najmanje jedno lice sa

invaliditetom na svaka 32 zaposlena, do 31. decembra 2011. najmanje jedno lice sa invaliditetom na svaka 24 zaposlena, do 31. decembra 2012. najmanje jedno lice sa invaliditetom na svakih 19 zaposlenih, do 31. decembra 2013. najmanje jedno lice sa invaliditetom na svakih 16 zaposlenih.

Navedenim članom, stavom (2) određeno je da su subjekti koji ne ispune obavezu iz stava (1) ovog člana dužni mjesečno pri isplati plaća obračunati i uplatiti u Fond za podsticanje rehabilitacije i zapošljavanja lica sa invaliditetom novčani iznos u visini 25% od prosječne plaće u Federaciji za svako lice sa invaliditetom koje su bili dužni zaposliti u skladu sa stavom (1) ovog člana.

Obzirom da je Kantonalna uprava civilne zaštite Kantona Sarajevo u toku 2022. godine ispunila uslove iz člana 18. stav (1) navedenog Zakona, odnosno da je na svakih 16 uposlenika imala uposlenu jednu osobu sa invaliditetom u skladu sa članovima 3. i 4. Zakona nije nastupila obaveza definisana stavom članom 18. stav (2) Zakona, odnosno Kantonalna uprava civilne zaštite Kantona Sarajevo nije imala obavezu da mjesečno pri isplati plata obračuna i uplati u Fond za podsticanje rehabilitacije i upošljavanja osoba s invaliditetom novčani iznos u visini 25% prosječne plate u Federaciji, za svaku osobu s invaliditetom.

U vezi sa naprijed navedenim, Kantonalna uprava civilne zaštite Kantona Sarajevo u toku 2022. godine nije imala izvršenje Budžeta na ekonomskoj poziciji 613900 subanalitika UAK003 - Posebna naknada za posticanje rehabilitacije i zapošljavanja osoba sa invaliditetom, jer nije imala zakonom stvorenu obavezu.

Od ukupnog broja uposlenih državnih službenika i namještenika uposlenih u Kantonalnoj upravi civilne zaštite Kantona Sarajevo, u toku 2022. godine, 17 uposlenika su lica sa invaliditetom koje definišu članovi 3. i 4. Zakona o profesionalnoj rehabilitaciji, osposobljavanju i upošljavanju osoba sa invaliditetom.

Napominjemo da se naprijed navedeni podaci odnose na Kantonalnu upravu civilne zaštite Kantona Sarajevo, te da navedena Uprava ne raspolaže sa podacima koliko je sredstava obezbjeđenih prema ekonomskom kodu 613900 - Posebna naknada za podsticanje rehabilitacije i zapošljavanja osoba sa invaliditetom iskorišteno u odnosu na iznos predviđen Budžetom za 2022. godinu, jer nemamo informaciju koliko je sredstava predviđeno Budžetom za 2022. godinu za te namjene i koliko su ostale institucije u Kantonu Sarajevo koristile ta sredstva te koliko je osoba sa invaliditetom bila korisnik navedenih sredstava.

S poštovanjem,

Dostavljeno:

- Naslovu;
- a/a.

